

南
唐
書
注

南唐書注卷三

宋陸游撰

祥符周在浚雪客注

後主本紀第三

後主名煜字重光元宗第六子初名從嘉母曰光穆皇

后鍾氏從嘉廣顙豐顙駢齒一目重瞳子文獻太子惡

其有奇表從嘉避既惟覃思經籍僧文瑩湘山野錄曰

怨威令不素著神骨秀異駢齒一目有重瞳篤信佛法

知國勢危削自歎曰天下無周公仲尼君道不可行但

著雜說百篇以見志山谷題跋曰觀江南李主手改

表章筆力不減柳誠憲乃知今世石刻智不得其髣髴

余嘗見李主與徐鉉書數紙自論其文章筆法政如此

但步襲太露精神不及此數字筆意深穩益刻意與率

爾為之工拙便相懸也五代史曰為人仁孝馬書

曰少聰悟喜讀書工書畫知音律五國故事曰有辭

藻善筆札亦有慧性宋史藝文歷封安定郡公鄭王

志後主有集十卷又雜說二卷

馬書准上兵起為神武軍都虞候沿淮文獻太子卒徙

吳王五代史曰自太子冀已上五以尚書令知政事居

東宮江南野史曰周世宗怒不割地帥眾將渡江征建

彼有人焉未可圖也遂元宗十九年立為太子元宗南

止嗣主聞之因立為後巡太子留金陵監國以嚴續殷崇義輔之張洎唐餘紀

洎始筮為句容縣尉時太子弘冀卒有司加諡宣武洎

土書謂世子之職在問安侍膳今標題武功垂示後世

非所以防微杜漸也洎規知中主猶衛弘冀專殺事其

說蓋出於揣摩中主果謂然改諡曰文獻洎由此遂為

中主所識拔登朝以文學授館職累擢中書舍人北苑

有清輝殿洎與徐遊為學士澄心堂建亦預機密於其

中洎嘗與潘佑善並官西省既而所趨馴異情好頓衰

佑每歎曰堂堂子張也難與並為仁矣後佑抵罪死洎

願喜其有文頗加愛賞宋師圍金陵事勢日迫洎與陳

喬約同死國已而城陷喬要洎同死竟背去之喬歎惋

自縊死後主北遷洎隨入朝太祖責曰汝教李煜不降

使至今日因出泊所草召援兵蠟書示之泊謝曰書實臣所為犬吠非其主此其一耳他尚多今得死臣之分也太祖奇之以為太子中允久之遷諫議大夫太宗朝宰相請用為翰林學士竟以其行義不及不許初泊將命入貢作十詩以詆訾汴京風物至有一堆灰之句進呈矣易簡語同列曰清河更作異即以一堆灰之句進呈矣泊聞之為少屈然以巧宦竟至參知政事泊初為寇準所薦奉準甚謹繼知上嫉準遂揣摩百端奏準誹謗於是準坐免其險誠如此至道三年病卒宋史曰張洎餘州全椒人曾祖旼澄城尉祖蘊泗上轉運巡官父煦上元尉李景長子弘冀卒有司謚宣武泊議以為世子之禮但當問安視膳不宜以武為稱旋命改謚權監察御史泊自以論事稱旨遂肆彈擊無所忌大臣游簡言等嫉之會景遷國子監丞留煜居守即薦泊為煜記室不得從未幾景卒煜嗣擢工部員外郎試知制誥歲滿為禮部員外郎知制誥遷中書舍人清輝殿學士參預機密恩寵第一泊舊字師黯改字偕仁清輝殿學士參預機密煜寵泊不欲離左右授職內殿中外之務一以諮之每兄弟宴飲作妓樂泊獨得預為建大第宮城東北隅及賜書萬餘卷煜嘗至其第召見妻子賜子甚厚泊尤好建議每上言未即行必稱疾煜手札慰諭之始復視事

及王師圍城。逾年城危甚。伯勸煜勿降。每引符命云。玄
 象無變。金湯之固。未易取也。北軍旦夕當自引退。苟一
 旦不虞。即臣當先死。既而城陷。伯勸妻及橐裝自便
 門入。止宮中。給光政使陳喬同升閣。欲與俱死。喬自經
 氣絕。泊反。下見煜曰。臣與喬同掌樞務。國亡當即死。又
 念主在。誰能為主。白其事。不死。將有以報也。歸朝。太祖
 召責之曰。汝教煜不降。使至今日。因出帛書示之。乃圍
 城。日自所草詔召上江救兵。蠟丸書也。伯勸首請罪曰。
 實臣所為也。犬吠非其主。此其一爾。他尚多有。今得死
 臣之分也。辭色不變。上奇之。貸其死。謂曰。卿大有膽。不
 加卿罪。今之事。我無替。昔日之忠也。拜太子中允。歲餘
 判刑部。太宗即位。以其文雅。選直舍人院。考試諸州進
 士。未幾。使高麗。復命。改戶部員外郎。太平興國四年。出
 知相州。明年夏。徙貝州。是冬。又知相州。部內不治。轉運
 使田錫言其狀。代還。泊求見。廷辨上。以其儒生。不責以
 吏事。詔不問。令以本官知譯經院。遷兵部員外郎。禮戶
 二部。郎中。雍熙二年。同知貢舉。端拱初。契丹寇邊。詔羣
 臣言事。泊上奏。以練兵聚穀。分屯塞下。來則備禦。去則
 勿追。為要略。會錢徽薨。太常定諡。忠懿伯時判考功。為
 覆狀。一句云。亢龍無悔。實非臣子宜言者。況錢徽生長
 夷貊。為荒服。未嘗略居尊位。終是藩臣。故名不可稱。龍

位不可為亢其亢龍無悔四字請改正事下中書以詰
泊對狀曰竊以故秦國王明德茂勳格於天壤處崇高
之富貴絕羣介之譏嫌太常禮院稽其功行定茲嘉謚
考力詳覆之際率遵至公故其議狀云茲所謂受寵若
驚居亢無悔者也謹按易乾之九三云君子乾乾夕惕
若厲無咎王弼注云虞下體之極居上體之下履重剛
之險因時而惕不失其幾可以無咎處下卦之極愈於
上九之亢易例云初九為元士九二為大夫九三為諸
侯正義云易之本理以體為君臣九三居下體之極是
人臣之體也其免亢極之咎者君臣九三居下體之極
免禍故云免亢極之禍也漢書梁商傳贊云地居亢滿
而能以謹厚自終楊植許由碑云錙銖九有亢極一夫
杜鴻漸讓元帥表云祿位亢極過踰涯量盧杞郭子儀
碑云居亢無悔其心益降李翰書霍光傳云有伊周負
荷之一明無九三亢極之悔張說祈國公碑一無日牛之
全一無亢龍之悔也況考功狀內止稱云受寵若驚居
亢無悔即本無亢龍無悔之語斯蓋張似擅改公奏周
冒天聰請以元狀看詳反坐其人以懲姦安俄下詔曰
張洎援引故實皆有依據張洎學識甚淺敷陳無實尙
示矜容免其黜降可罰一月俸洎未幾遷為大僕少卿
同知京朝官考課拜右諫議大夫判大理寺又充史館
修撰判集賢院事華化中上令史館修撰楊徽之等四

人修正入閣舊史中書門下御史臺爲三署謂侍從供奉
泊又言今起居侍從官先入殿廷東西立定俟正班入
之官今起居侍從官先入殿廷東西立定俟正班入
一時起居侍從官先入殿廷東西立定俟正班入
準舊儀侍從官先入殿廷東西立定俟正班入
之蛾眉班然後宰相率正班入殿廷東西立定俟正班入
古之王者躬勤庶務其臨朝之疏數視政事於禮臣又問
初五日一朝景雲初始修貞觀故事自天寶兵興之後
四方多故肅宗而下咸雙日臨朝雙日不坐其雙日或
遇陰靈盛暑大寒泥濘亦放百官起居雙日不坐其雙日或
事即特開延英以對或夷蠻入貢勳臣歸朝亦特開紫
宸殿引見陛下自臨大寶十有五年未嘗一日不雞鳴
而起聽天下之政剛健不息因天德之常然而游焉息
焉亦聖人之謨訓儆君父過勞於上臣子緘默于下不
能引大體以爭則忠良之心有所不至矣臣欲望陛下
依前代舊規雙日視朝雙日不坐其雙日遇大寒盛暑
陰淫泥濘亦放百官起居其雙日於崇德崇政兩殿召
對宰臣常參官以下及非時蠻夷入貢勳臣歸朝亦特
開上閣引見并請準前代故事處分奏入不報時上令
以儒行篇刻於版甲賜近臣及新第舉人泊得之上表
稱謝上覽而嘉之翌日謂宰相曰羣臣上章獻文朕無
不再三省覽如張洎一表援引古今甚不可得可召至

中書官諭朕意數月擢拜中書舍人充翰林學士上顧
語近臣曰學士之職清要貴重非他官可比朕常恨不
得爲之故事起上日設燕教坊以雜戲進久罷其事至
是令盡設之仍詔樞密直學士呂端劉昌言及知制誥
柴成務等預會時以爲禁俄判吏部銓嘗引對選人上
顧之冠也泊當草制因上疏議曰今吳王獨爲大都督居
越王之上非便上令侯異日除授并改正之至明年上
郊祀單慶遂改焉俄奉詔與李至范杲張昞同修國史
又判史館泊博涉經史多知典故每上有著述或賜近
臣詩什泊必上表援引經傳以將順其意上因賜詩褒
美有輪長老儒臣之句與蘇易簡同在翰林尤不協及
易簡參知政事泊多攻其失既而易簡罷即泊爲給
事中參知政事與寇準同年少新進氣銳思欲吏部選事泊掌
考功爲吏部官屬準年少冠帶侯準出人於省門揖而
自泊夙夜坐曹視事每冠帶侯準出入於省門揖而
退不交一談準益重焉因延與語泊捷給善持論多爲
準規畫準心伏乃兄事之極口談泊於上上欲進用又
知其左日多譏毀良善李煜殺潘佑泊嘗預謀心
疑之翰林待詔尹熙古吳鄧皆江東人泊嘗善待之上
一夕召熙古輩侍書禁中因問以佑得罪狀熙古言煜
忿佑諫說太直耳非泊謀也自是洗然遂加擢用蓋準

推挽之也既同秉政奉準愈謹政事一決於準無所參預專修時政記甘言善柔而已後因奏事異同準復忌之至道二年五月四方館使曹璨自河西馳騎入奏邊事言繼先率百萬眾寇靈州上詔宰相呂端知樞密院事趙瑤等各以所見畫策即日具奏來上呂端相率詣長春殿見上言曰臣等若各述所見則非詢謀僉同之議望許其為一狀陳其利害洎越次奏曰端等備位輔弼上有過所詢問反陳其不言深失許礪之體端曰洎欲有言不洎引買捐之棄珠崖事願棄靈武以省關西饋運泊上疏有此意既而悔之泊果迎合覽奏不悅既以疏付泊語之曰卿所陳朕不能曉一句泊惶恐而退上召同泊語密院事向敏中語曰張洎生言果為呂端所料朕已還其疏矣泊既議事不稱旨恐懼欲自固權位上知洎已還其疏矣泊既議事不稱旨恐懼欲自固權位上已嫉準專恣恩寵衰替泊慮一旦同罷免因奏事大言寇準退後多誹謗準在告滿百日力疾請對方拜跪於上前左右掖起之明日上章求解職優詔不允後月餘改刑部侍郎罷起之明日上章求解職優詔不允後月餘改十四日贈刑部尚書以其二子皆為京官泊風儀灑落文辭可聽尤險詖好攻人之短李煜既歸朝貧甚泊猶句

索之煨以白金頭面器與泊泊尙未滿意時潘懷修事
煜記室泊疑煨修教煜素與泊慎修善自是亦稍疏之煜
子仲寓雅好蒲博飲宴泊曰切諫之仲寓謝過後數月
人有言仲寓亦不赴弔與張泌議事不協遂爲仇隙始以
葬京師泊亦不赴弔與張泌議事不協遂爲仇隙始以
從父禮事化既而不拜尤善事內官在翰林日引唐故
事奏內供奉官監徵政爲學士使內侍裴俞副之上覽
奏謂曰此唐室弊政朕安可踵此履轍卿言過也泊慙
而退性器容雖親戚無所沾倚江表放舊亦罕登其門
素與徐鉉厚善後因議事相忤遂絕交然手寫鉉文章
訪求其筆札藏篋笥甚於珍玩泊有文集五十卷行於
世易職秉政泊日夕攻之既而蘇簡罷以泊爲給事中參
知政事與寇準同列先準知吏部選事泊掌考功爲吏
部官屬準年少新進氣銳思欲老儒附以自大泊夙夜
坐曹視事每冠帶候準於角門揖而退不交一談準益
重之因召與語泊捷給善擗論多爲準規畫準心伏遂
兄事之極口誇泊於上漸欲進用又知其疑之表日
多譏毀良善李煜殺中書舍人喬佑泊預謀心疑之又
詔尹熙古等侍書禁中因問以佑得罪狀熙古言煜忿
佑諫說太直爾非泊也自是疏然遂罷用益準推挽之
也既同秉太政準亦忌之泊毒事準愈謹政事一決於

準無所參預王公四六話云張洎參政事江南後主
時爲大臣國亡受知太宗復作輔臣時王元之禹偁爲
翰林學士洎手書古律詩兩軸與之元之以啟謝云追
蹤季札辭吳盡變爲國風接武韓宣適魯獨明於易象
謂其自他國入中朝也儒林公議曰大祖既下江南
得徐鉉湯悅張洎輩謂之曰朕平金陵止得卿輩爾因
問曰朕何如卿國主張洎對曰陛下生而知之國主學
而知之雖學知與生知不同然其知一也又洎有賜
第在金陵至道主奏牋六月元宗殂太子嗣位於金陵
中捨爲壽寧寺五國故事作七月更名煜居喪哀毀幾不勝南唐近事
二十九日襲僞位更名煜居喪哀毀幾不勝後主嗣
位初夢一羊升武德殿御牀意惡之及赦境內尊鍾后
宋陷金陵以補闕楊知讓首知府事日聖尊后以后父名太章也立妃周氏爲國后徙信王
景暹爲江王從信爲文陽郡公從度爲昭平郡公從度
景遷子也令諸司四品至九品無職事者日二員待制
於內殿以右僕射嚴續爲司空平章事餘進位有差遣

中書侍郎馮延魯如京師奉表陳襲位

宋史表曰臣本

才自出膠庠心疏利祿被父兄之蔭育樂日月以優游

徒因伯仲繼沒次第推遷先世謂臣克習義方既長且

嫡傳司國事遠易年華及乎暫赴豫章留居建業正備

副之位分監撫之權懼弗克堪常深自勵不謂奄丁艱

副遂玷繼承因勳育堂不敢滅性然念先世君臨江表

垂二十年中間務在倦勤將忍釋負臣亡兄文獻太子

從冀將從內禪已決宿心而世宗敦勸既深議言因息

及陛下顯膺帝錄彌篤宵情力誓子孫仰酬臨詔臣既

嗣宗初敢忘負荷唯望臣節上奉天朝若曰稍易初心

輒萌異志豈獨不遵於祖廟實當受譴於神明方主一

國之生靈遐賴九天之覆惠況陛下撫舊邦克獲晏安

深必假清光更逾數日遠想帝力下撫舊邦克獲晏安

得從安泰然所慮者吳越國鄰於弊土近似深讐猶恐

輒向封疆或生紛擾臣即自嚴節尚終不先有侵漁免

結費嫌撓干旋展仍慮巧肆如簧之舌仰成投杼之疑

曲構異端潛行詭道願迴鑒燭顯論是非庶使遠臣得

安危懇貢金器二千兩銀器

太祖賜詔答之自是始降

二萬兩紗羅絹絲三萬匹

詔馬書曰七月罷諸屯田使委所屬令佐與常賦俱征

注曰初屯田置使專掌至此罷其使而屯田佃民絕

公吏秋九月太祖遣鞍轡庫使梁義來弔祭金陵新志日賜絹三

千冬十月太祖遣樞密承旨王文金陵新志作王仁贍來賀襲位

初元宗雖臣於周惟去帝號他猶用王者禮至是國主

始易紫袍見使者使退如初服十二月置龍翔軍以教

水戰馬書是年八月鄂州王崇文卒以南郊巡檢史黃延謙為武清軍節度使留後

建隆三年春三月遣馮延魯入貢京師泉州節度使中

書令晉江王劉宋史作留從效卒江西南故事曰劉從效泉州

安張漢恩陳洪進等俱為本州偏將及朱文進與董恩

氏以其將黃紹顯守泉州從效等因殺紹顯而方王建

勳以應建州文進舉兵攻之不克及江南劉建州從效

百請江南之命累授從效至檢校太尉兼中書令泉州

成軍節度使鄂國公十數年開闢事強盛建隆壬戌

陳頗自異議一日先鋒指揮使王亡名請人言疾而從

副之使王亡名出守漳州不聽又遣成簡田亦不聽因
使眾擊之垂用送同安縣羈縻之未幾而覽泉州府
志曰留從效仕閩主王氏為本郡神機指揮使天德二
年朱文進竊國以黃紹顏為泉州刺史從效殺紹顏迎
立王繼為刺史王延政降南唐從效劫繼勳入建康
自領留從效嗣主即以泉州為清源軍授從效節度又王
氏滅汀歸南唐而福州為錢氏所有從效以海濱之
州介於江廣吳越三國之間雖稱藩南唐自雄據一
隅彼雖環視莫敢議者先是妙應大師黃君榮者識云
洗打南後打北留取清源作佛國既而清源果無干戈
之擾乃從效姓名所應建隆開封鄂公後以病亟乃令
從弟從口齋符印出授統軍陳洪進乾德二年朝廷命
康延澤來建平海軍特加洪進大傳泉州刺史初王潮
劉略草間盡有閩地弟審知襲位而審知又從喜儒招
賢亦一時之傑劉從效有意雄據一方陳洪子紹鑑白
進見幾而作納款天朝保其台名榮矣哉

稱留後夏四月泉州將陳洪進執紹鑑推金陵副使張

漢思為留後六月遣客省使翟如璧入貢京師金陵新志曰七

月遣翟如璧謝賜生辰國信貢金器二太祖放降卒干

干兩銀器一萬兩錦綺綾羅一萬匹七

人南還馬書七月旬容尉張泌上言為理之要詞甚激

即位初張泌上書曰建隆二年七月二十八日將仕郎

守江寧府句容縣尉張泌言頓首頓首死罪死罪謹上

書陛下臣聞行潦之水徒善利而不廣斗筲之器固大

受而莫容雖欲強其所弗能亦不知其量也當陛下續

服不圖爾臨實位百姓疑視仰微猷而注目四方傾聽

望德德音而竦耳是陛下虛心側席克己納隍將敬承天

恩以布新命非有朴直之士不能貢千慮一得之言於

視聽也我國家積德累仁重華承聖雖疆里偏小而基

構引遠別賢智左右前後比肩繼踵以導揚不命致康

休之化猶反掌耳又何以規然晉公之聽重人齊侯之

用老馬豈重人踰伯宗之善老馬過管仲之智蓋尺有

所短寸有所長此之謂也臣於是申旦不寐齋沐仁思

以聞庶釋陛下維新之化萬分之一也伏惟我唐之有

天下也造功自高祖重熙於太宗盛於神孫歷載三百

不祚中否烈祖紹復大勳未集肆我大行嗣之德則休

明降年不永焦勞瘠瘠奄棄萬戶民既歸仁天亦輔德

而唐祚者非陛下而誰陛下撥萬民既歸仁天亦輔德

修巡狩之禮陛下應監國之任兢兢業業神人咸和令

告秋霜澤如時雨泊宅憂翼室而無異望臣聞昔漢文

帝承高祖之後天下一家近三十年德教被於物也久矣而又封建子弟委用將相朱虛東牟之力陳平周勃之謀宋昌之忠諸侯之助由長子而立可謂安矣及即位戒真謙讓服勤政事躬行節約思治平舉賢良進諫臣除收孥相坐之法去誹謗妖言之令不貴難得之貨不作無益之費其屈己愛人也如此而冕錯賈誼賈山馬唐之徒上書進諫言必激切至於痛哭流涕之辭者蓋懼靡不有初鮮克有終也而文帝優容不拂聖德允塞幾致刑措王業巍巍千載之下風聲不泯皆克勤勉強而臻於此也今陛下當數載大兵之後鄰封襲利之日國用匱竭民力疲勞而內無劉章與居之臣朝無綏侯曲逆之佐可謂危矣非陛下聰明睿知視險若夷豈能如是乎設漢文帝之才處今日之勢何止於寒心銷志而已陛下以天未厭德民方戴舊則可矣若欲駭遠近之聽慰億兆之思臣敢昧死言之夫人君即位之始必在發號施令非秉漢文帝之心以政究人臣不知其可也臣以國家今日之急務略陳其綜要伏惟陛下留聽幸甚一日舉簡大以行君道二曰略繁小以責臣職三日明賞罰以彰勸善懲惡四曰慎名器以杜作威擅權五日詢言行以擇忠良六曰均賦役以安黎庶七日納諫諍以容正直八曰究毀譽以遠讒佞九曰節用以行克儉十日克己以固舊好亦在審先代之治亂考前

載之衰貶繼介之惡必去毫釐之善必為密取舍之機
濟寬猛之政進經學之士退捨剋之吏察適言以廣視
聽好下士以通蔽塞斥無用之物罷不急之務此而不
治臣不信矣臣又聞之詩曰敬之敬之天維顯思書曰
備戒無虞罔失法度易曰其亡其亡繫於苞桑言君人
者必懼天之明威遵古之令典作事謀始居安慮危也
臣觀今日下民期陛下之無俾文帝專美於漢臣幸承勳
諭焉願陛下勉強行之無俾文帝專美於漢臣幸承勳
緒忝逢昭代書賢能於鄉老第甲乙為宗伯由文章而
進詩待詔於金門比八年於茲矣沐大行育才之化聖
鑒不遠當陛下御極之辰王猷未洽若復優游養府默
然無辭則塊然而有覲面目矣塵瀆宸聽伏切兢憂臣
泌誠惶誠恐死罪上言御批云古人讀書不祗謂詞賦
口舌也委質事人忠信無隱斯可謂不辱士風矣況朕
積承之始德政未敷哀毀之中知慮荒亂深虞布政設
教有不足仰副民望泌居下位而首進儒論觀詞氣激
揚次搜覽十事煥美可舉而行朕必善初而思終卿無
今直而後佞其中事件亦有已於敕書處分者二十八
日按馬令書江表志俱作張泌惟唐餘紀傳以為張
洎唐餘紀傳係明人作馬書江表志為南唐人作南唐
人見南唐時冬十一月遣水部郎中顧彞入貢京師馬
事為彞侯考

是年以神武統軍朱業為寧國節度使以潤州林仁肇為神武統軍秋七月建州陳誨卒禮部尚書潘承佑奉以江州何洙為左武衛上將軍封芮國公以宣州朱業鎮江州以神武統軍林仁肇為寧國軍節度使

乾德元年

有南唐別記曰保大中六年秦准得石志案其刻

令諸儒參驗乃輔公祐反江東時六年號後趙太祖受命國號宋改元乾德江左始衰弱江南野史曰後主三

年有兩春正月太祖遣使來賜羊馬橐駝三月太祖出日相觸

師平荆湖國主遣使犒軍

宋史曰後主每聞朝廷有克捷及嘉慶事必遣使犒師修

貢其大慶節更以買宴為名別奉珍玩為獻吉山典禮皆別修貢

夏四月泉州副史陳

洪進廢張漢思自稱權知軍府來告國主即以洪進為

節度使

五國故事曰初劉從效有泉南之地洪進為其大將與張漢思同列從效死漢思有其郡且請

節制於江南以洪進為節度副使而頗忌洪進一日設筵將害洪進俄有地震漢思惶惑洪進遂起出他日洪

進率子弟徑入署取其符印而廢之送家莊洪進固請命於朝廷授平海節度使太宗即位乃修朝覲改授徐

州節鎮兼使相封岐國公 秋七月太祖詔國主遣還顯

德以來中朝將士在江南者及令揚州民遷江南者還

其故土 宋史曰詔後主應朝廷橫海飛江水關懷順諸

日十一月 月燈貢賀南郊禮銀一萬 十二月國主表乞罷

兩絹一萬匹賀冊尊號絹萬匹 詔書不名之禮不從 馬書是年夏左武衛上將軍何洙

尚書省遷 右僕射

乾德二年 金陵新志曰二月燈貢助安葬銀一萬兩綾

事 數百 春三月行鐵錢每十錢以鐵錢六權銅錢四而行

後銅錢遂廢民間止用鐵錢末年銅錢一直鐵錢十比

國亡諸郡所積銅錢六十七萬緡 馬書曰以鐵錢使戶

部侍郎勒政殿學士初元宗即位兵屢起德昌宮泉布

既竭遂鑄唐國錢其文曰唐國通寶又鑄大唐通寶與

唐國錢通用數年漸弊百姓盜鑄極爲輕小保大末兵
 著則乏鍾謨改鑄大錢以當十文曰永通泉貨徑寸
 七分重十八銖字八分書背面勻好皆有周郭錢四既不
 廢至是有鐵錢之議每十錢以鐵錢六雜銅錢四既多
 用銅錢不及官場以鐵錢重其法犯者益罪至末年銅錢
 芒刺不錢十禮部侍郎湯悅上言泉布屢變亂之招也
 一當民富商不保其貲則日盆思亂累數百言不報也
 且豪民富商不保其貲則日盆思亂累數百言不報也
 燕冀貽謀錄曰江南李唐舊用鐵錢因韓熙載建議以
 鐵錢六惟銅錢四然銅鐵之價相去甚遠不可強也江
 南末年鐵錢十僅值銅錢一江南錢盡矣爲農器以給江
 之太平興國二年詔官收民閒鐵錢鑄爲農器以給江
 北流民之歸附者於是江南鐵錢盡矣爲農器以給江
 初兩主錢唐國錢其眉是江南鐵錢盡矣爲農器以給江
 二兩至數年而弊百姓盜鑄僅至一斤餘以一文置水
 上不滿雖嚴禁不止至是有鐵錢之議既行至數年物
 價漸增諸郡盜鑄者頗多而輕小環外芒刺不及官場
 國淨國家雖以法繩之犯者配遠郡民羅之益眾而不
 止陶岳貨志錄曰韓熙載請以鐵爲錢其錢之大小
 一如開元通寶文亦如之徐鉉篆其文比於舊錢稍大
 而輪郭深闊既而鐵錢大行命吏部侍郎修國史韓熙
 公私便之案此與眾說不同

載知貢舉放進士王崇古等九人國主命中書舍人徐

鉉覆試舒雅等五人雅等不就國主乃自命詩賦題以

中書官蒞其事五人皆見黜秋八月太祖於江北置折

博務禁商旅過江

宋史曰詔江北許諸州民及諸監鹽

北置推場禁商人渡江及百姓緣江樵采是歲以江南

薦饑特弛其禁昭陽李靖曰宋史既載是年弛禁陸

書又載是年設禁恐耳

九月立子仲禹作仲禹為清源

郡公仲宣

五代史

宣城郡公十月甲辰仲宣卒國后周

氏已寢疾哀傷增革亦卒十一月太祖遣作坊副使魏

丕來弔祭

宋史曰丕字齊物相用人南唐國后卒遣丕

闕賦詩有

充弔祭使且使觀其意趣後主邀丕登昇元

書是年夏

鄆州黃延謙卒以言州林仁肇代

乾德三年

馬書曰春葬昭惠后於懿陵金陵新志二

月遷貢長春節御衣

二襲金酒器千兩錦綺

綏羅各千匹銀器五千兩夏五月司空平章事嚴
日又貢賀收復西川錄五萬兩
續罷為鎮海軍節度使秋九月雨沙聖尊后鍾氏殂馬
書葬光穆冬十月太祖遣染院使李光圖來弔祭馬書
后於順陵州朱業為神武統軍侍衛都軍使以虔州留後柴克貞
為奉化軍節度使夏以司空平章事嚴續鎮潤州召南
都留守鄧王從益還都以鄂州
林仁肇為南都留守南昌尹

乾德四年秋八月國主遣龔慎儀持書使南漢約與俱

事宋九月慎儀至番閩被執

馬書在開寶二年又云是

守忠為武清軍節度使留後秋十月神

武統軍朱業卒

有二月潤州嚴續卒

開寶元年

玉壺清話曰主遣韓熙載入朝聘謝熙載歸

今晉王鎮充海料非久必作太平中春三月戊申以樞
國之主願記臣語時乾德丁卯歲也春三月戊申以樞
密使右僕射殷崇義玉壺清話曰主有異見人之休咎
死生皆先見之湯悅仕為祕校主

受禪用為學士一日謂悅曰近覽卿神彩明煥精芒中
發得非有遇乎悅不致隱曰臣數日前夙興類而流星
墜盆中驚異之際將樹之屋飛入口餘無他遇主日卿
之貴異他日無此者果事三朝後歸朝為太子詹事入
十餘卒馬書曰湯悅其先陳州西華人父殷文主唐
諱或姓湯悅常撰揚州孝先寺碑周世宗使崇義入貢
蹕於寺謂其文賞歎之及畫江請平元宗使崇義入貢
世宗待之加禮白淮上川兵凡書檄教詔皆出崇義特
為典瞻切於事情世宗每覽江左章奏形於嗟重後仕
皇朝奉太宗皇帝敕撰江左南錄十卷自言得陳壽史體
直學士院王梓州克正張侍郎泊直舍人院四公皆江
南文士也馬書又云以禮部侍郎湯悅為門下侍郎
平章事知制誥張洎上疏曰悅部侍郎湯悅為門下侍郎
衡之地國主以悅文學舊臣特加獎用乃能泊職處鈞
下名勝志曰文圭小字桂郎卜居九華潛心苦學所用
崇池底為之穿赴舉時途遇一叟熟視之曰君日可容
拳如學道當沖舉不爾有大名於天下乾寧中及第為
裴樞宣諭判官城南殷邨宅墓俱存子行義幼時見星
墜水掬而吞之自是文思日奇仕南唐宰相後隨李主
歸宋遷光祿卿避諱改姓名為湯悅奉敕撰江南錄十

卷今城東五里城為左僕射同平章事境內旱太祖賜

米麥十萬石冬十一月立國后周氏按是歲北漢主鈞殂

開寶二年三月以游簡言為左僕射兼門下侍郎同平

章事夏五月簡言卒是歲右僕射同平章事殷崇義罷

為潤州節度使同平章事

開寶三年夏太白晝見江南海野史曰二日相觸馬書是

侍郎韓熙載卒贈平章事

開寶四年冬十月國主聞太祖滅南漢屯兵於漢陽大

懼遣太尉中書令鄭王從善朝貢金陵新志曰七月

道出臣國遺臣犀角一株牙二株白龍腦三十兩

腦十片乳香千斤沈香三千斤荳蔻二萬顆龍腦三斤

十斤白檀百斤紫礦五十斤荳蔻二萬顆龍腦三斤

鄉五十斤藤花簪四領占城瓜班古綴二段

閩婆禮假

鷲國古縵一段闊婆沙縵古縵一段縵一段縵古縵一段縵水
織布五匹沙縵縵縵縵古縵一段以其物來上詔還之縵
以邸院稍乏贍供將茶二十萬斤納於建安軍稱江南
詔給價錢是冬以將郊祀又遣弟從善來賀軍稱江南
國主請罷詔書不名會嶺南平煜懼上表遂改唐國主
為江南國主唐國即為江南從之有商人來告中朝造
國主印又上表請所詔呼名

戰艦數千艘在荆南請密往焚之國主懼不敢從

馬書
是年

夏四月齊王景達卒

開寶五年春正月國主下令貶損儀制改詔為教中書

門下省為左右內史府馬書作內侍府尚書省為司會府御史

臺為司憲府翰林院為文館一作藝文院樞密院為光政院

大理寺為詳刑院客省為延賓院官號亦從改易以避

宋初金陵殿闕皆設鴟吻元宗雖臣於周猶如故後主

立遇宋使至則去之使還復設至是遂去不復用降諸

弟封王者皆為公從善楚國馬書作南楚從鎰江國從謙鄂

國內史舍人張泌唐餘紀傳曰張泌毘陵人後主朝仕

度改內史舍人泌為考功員外郎進中書舍人後主朝制

日鄭家每食多客故談何事必曰臣親舊多客都下貧

乏食臣累輕俸優常過臣飯然止菜羹耳明日太宗遣

伺之果然仍皆陶器嘉其不隱遷官郎中人稱榮羹張

家宋別史曰泌官河南每清明親詣後主墓於北邙

哭甚哀李氏子孫陵替者分俸贍之宋史李昉傳曰

昉雅厚張洎而薄張洎昉能相洎草制深攻訐之而

泌期望必詣昉或問泌曰李公待君素薄何數詣之必

日我為廷尉日李公方秉政未知禮部貢舉放進士楊

遂等三人清耀殿學士張洎言泌多遺才國主命洎考

覆遺不中第者於是又放王綸等五人南唐近事曰揭

具者夢人報己與王綸等五人及第員驚喜詣省門遇

楊遂張觀自說謂曰榜在舞行街何忽忽至此即

遂等三人中選其夏後主疑秘任私命張洎覆試再放
王倫等五人乃知洎雖矯秘之弊然前定固如此明年
癸酉附榜則閏月癸巳宋命進奉使楚國公從善為泰
雞行之應也

寧軍節度使留京師賜第汴陽坊示欲召國主入朝也

國主遣戶部尚書馮延魯謝從善爵命延魯至宋疾病

不能朝而歸宋史曰是年長春節別貢錢三十萬遂以

主常快快以國蹙為憂日與臣下酣飲愁思悲歌不已

開寶六年夏太祖遣翰林院學士盧多遜來曾鞏隆平

遜懷州人父億有操行仕至少府監周顯德末登進士

第開寶中累擢參知政事九年拜相多遜博涉經史善

伺人主意太祖每遣取書多遜伺知即通夕閱視詰朝

問書中事應答無滯上益寵待為翰林學士時屢於上

前毀趙普及在相位普之子及親屬多為所抑普再
相廉知多遜營造親吏交通秦王廷美因發其事追削
官爵并其家配崖州卒於配所初王祐知制誥多遜欲
祐協力擠普一日祐以宇文融排張說事示之怒出祐

知華州及多遜敗明議士大夫服肅有議云別史曰
多遜曦舟宣化口使白國主以朝廷修天下圖經獨缺
江東爲言國主令錄一本送之因得十國主聞太祖欲
九州屯戎遠近戶口多寡遂有用兵意興師上表願受
爵命不許以司空殷崇義知左右內史事冬十月內史舍
人潘佑上書切諫佑素與戶部侍郎李平厚國主以爲
事皆由平始先以平屬吏遣使收佑佑自殺平縊死獄
中皆徙其家外郡

甲戌歲秋國主上表求從善歸國不許太祖遣閤門使

梁迴來使

宋史曰梁迴博州聊城人少爲吏部小史周世宗在藩邸日得給事左右及嗣位補殿直

改供奉官四遷至左藏庫使太廟將討西蜀以迴監秦

州戍兵蜀平改監霸州兵轉宮苑使從征太原還會命

蜀州刺史聶章爲沁州兵馬部署以迴監其軍無何并

人入寇迴與閻彥進同率兵擊敗之以功遷東上閤門

使開寶五年命爲廣南道兵馬都監兼諸州巡檢八年

奉使江南迴素貪目外務矯飾初若嚴毅不可犯雖饋

食亦不受江南人頗憚之既而奉以賞貨殆直數萬緡
迴卽大喜過望登舟縱酒繼日宴樂及歸戀戀不發人
多笑之暨王師伐金陵命迴與潘美劉遇率步兵先赴
荆南且以迴護行營步兵及左廂戰權與吳人戰采石
殺獲甚眾江南平以功領順州團練使太宗卽命判四
方館事領禁軍戊澤州太平興國三年錢俶來朝命往
淮泗迎勞夏汴水大決詔迴發議內丁男三千護塞汴
口四年征太原以迴爲行營前軍馬步軍都監督軍攻
城遷引進使五年受詔與潘美立詰崔翰率兵屯定州以
功遷保障七年李繼遷寇邊以迴領兵護銀夏州八年召
歸授唐州防禦使令赴職雍熙二年繼遷誘殺都巡檢
使曹光實乘勢寇邊復召迴爲銀夏都巡檢使起邊
捍禦之三年夏卒於銀州官舍年五十九迴性臨率尤
不喜文士故事節帥出鎮及來朝便殿宴勞翰林學士
皆預坐開寶中迴爲閤門使白太祖曰陛下宴犒將帥
安用此輩預坐自是罷之至淳化中翰林學士蘇易簡
白於太宗始復預焉大中祥符八年錄迴子廷翰爲奉
職從容言曰天子今冬行柴燎禮國主宜往助祭國主
不答入江南野史曰初流言其謂北使竊伺後主餽遺九

月丁卯復遣知制誥李穆王稱東都事略曰李穆字孟

言好學博聞酸棗王昭素善易往師之昭素謂人曰幼溫厚寡

李生材器他日必為卿相昭素以所著易論三十三篇

授之舉進士調郢州判官周世宗即位博求文學之士

近臣薦其才拜右拾遺大祖登極遷殿中侍御史太祖

既平蜀以穆通判洋州徙陝州坐輸租於西京失期

免官又坐所舉吏有罪去前任久之召為太子中允尋

以右拾遺知制誥穆文學探履為大祖所知太祖嘗謂

盧多遜曰李穆士大夫之仁者也乃遣使李煜諭令入朝

死生易節所謂仁者必有勇也乃遣使李煜諭令入朝

煜辭以疾穆曰朝與不朝惟自處之朝廷繁富甲兵精

銳恐不易當耳太祖聞其言以為要切太宗即位封員

外郎太宰相盧多遜得罪穆坐與之同年降司封員

之謂曰憂畏所致耶穆流涕太宰考較見其形容甚癯憐

罷翰林學士知開封府事有能名遂擢左諫議大夫參

知政事穆至孝母病累年惡暑而畏風穆身自扶持起

居能適其志或通夕不寐未嘗有倦惰之色母卒哀毀

過人朝命起復固辭不得已視事然終不飲酒不食肉

未終喪而卒年五十七太宰深惜之謂宰相曰李穆國

之良臣奄爾淪謝非穆之不幸乃朕之不幸也贈工部

尚書

尙書謚曰文恭穆子行簡以父任爲將作監丞不樂仕進家居二十餘年眞宗聞其賢行卽其家拜太子中允致仕遷太常丞而卒羅延平尊堯錄曰太祖嘗擇官使江南頗難其人一日謂盧多遜曰李穆士大夫之仁善者詞學之外他無所預多遜曰穆履行端直臨事不以生死易節所謂仁有勇者也帝曰若如爾言使江南者遂遣之爲國信使持詔來曰朕將以仲冬有事圓丘思與卿同閱犧牲且諭以將出師宜早入朝之意國主辭以疾且曰臣事大朝冀全宗祀不意如是今有死而已王海曰先是李煜外示恭儉內懷觀望太祖慮其難制遣李穆諭旨召赴闕果稱病不朝而全葺城壘教習戰權爲自固之計時太祖已遣潁州團練使曹翰帝怒命彬等進討錄曰曹翰魏郡人少爲郡小吏周祖鎮鄴奇之以爲宗幕下世宗鎮澶淵以爲牙校及尹開府翰猶在澶淵聞周祖寢疾不俟召來見世宗密言曰王爲冢嗣不侍醫藥何以副天下望世宗悟入侍禁中以府事命翰總決卽位補供奉官稍遷樞密承旨世宗征淮南留鎧甲千數在正陽旣而遣降卒八百來京師翰遇於道懼其

過正陽劫兵器叛盡殺之世宗不加責乾德中伐蜀以
翰帥荆襄鑿山開道商旅以濟又詔兼領漕運而糧餉
不乏蜀平全師雄據蜀十萬叛翰與曹彬劉延讓討平
之又軍校呂翰盜據嘉州翰及諸將奪其城謀知賊欲
三鼓復攻城誠擊析使緩州翰向晨猶二鼓賊眾不集而潰
遷蔡州有決其絙用亦然會河決詔翰董役指日而訖
事後復有胡則者以江州拒命翰遂屠其城得公私金帛
煜將有胡則者以江州拒命翰遂屠其城得公私金帛
億萬計僞言欲致廬山羅漢鑄像於關下詔從其請因
調巨艦十百同所得以歸朝延涵容不加詰問錄其功
授桂州觀察使判潁州復從太宗征太原因伐幽州命
翰兵東隅有卒得解以獻翰謂諸將曰解水物而陸居
非其所也又能行不能進則城不可進拔之象其班師
平卒如其言師還除威塞軍節度使仍判潁州未行詔
翰督役開河南自雄至莫以通漕運翰遣使伐巨木於
虜地投五騎以五色旗為斥埃如遇寇則舉白旗之類
又起烽燧於境上虜疑而不敢近塞事遂濟乃歸鎮居
數歲汝陰令孫崇訟其不法鞠得實削奪官爵送登州
久之復千牛衛上將軍卒年六十五贈太尉咸平初賜
諡武毅翰天資殘忍貪冒多智數喜譏妄飲酒至數斗
不亂對上奏事雖數率師先出江陵宣徽南院使曹彬
十條皆默記不少差

東都事略曰曹彬字國華真定靈壽人也父芸成德軍
兵馬使彬始生周歲日父母以百玩之具羅於席觀其
所取彬左手手持干戈右手取俎豆斯須取一印他無所
視人皆異之既長氣質淳厚彬歸京師得成德牙將周
太祖貴妃張氏彬之從母也彬出使吳越訖事即行不受
補供奉官累遷西上閤門使出使吳越訖事即行不受
私覲吳越人以輕舟追遣之至於數四彬猶不受既而
日吾或終拒之是近名也遂受而歸盡輸內帑世宗強
還之欲辭不獲悉以分親舊而一介不取遷引進使宋
興遷客省使監歸州路行營劉光毅軍破北寇太祖代
客省使監歸州路行營劉光毅軍破北寇太祖代蜀將
皆欲屠城殺降彬獨仁恕而戢下所至悅服太祖降璧
書褒之蜀平王全斌等不恤軍事蜀人苦其侵奪彬屢
請旋師全斌等不從俄而全師雄等作亂擁眾十萬彬
復與光毅破之於新繁卒平蜀亂時諸將多貪縱不法
帛彬橐中惟圖書衣衾而已太祖亂時諸將多貪縱不
屬吏而謂彬清介廉謹拜宣徽南院使義成軍節度使
彬辭曰伐蜀將士俱得罪臣以無功獨蒙褒寵恐無以
勸天下太祖曰卿有茂功加以不伐設有微累全斌等
豈惜言哉夫懲惡勸善朕所以勵臣下也彬乃不敢辭
太祖將親征太原爲前軍都監率兵至團柏谷降賊將
陳延山太祖伐江南以彬將行營之師彬分軍由荆南

順流而東破峽石若進克池州連克當塗蕪湖二縣駐
軍采石磯作浮梁跨大江以濟師大破其軍於白鷺洲
師進次秦淮江南水陸十萬陳於城下大敗之俘斬數
萬計遂克潤州進圍金陵李煜危甚遣其臣徐鉉奉表
詣闕乞緩師彬亦緩攻取冀煜歸命策之上也城垂克彬忽
此所惜者一城生聚若能歸命策之上也城垂克彬忽
稱疾不視事諸將皆來問安彬曰余之病非藥石所愈
惟須諸公誠心自誓以克城之日不妄殺一人則自愈
矣諸將許諾其焚香為誓明日稱愈遂克金陵城中皆
安堵如故李煜與其臣百餘人詣軍門請罪彬慰安之
待以客禮煜之君臣賴以獲免白出師至凱旋士眾畏
服無輕肆者其軍政如此及入見以勝子進稱奉敕江
南幹事回其謙恭不伐又如此初彬以勝子進稱奉
日俟克李煜當以卿為使相副帥潘美煩以為賀彬曰
不然夫是行也仗天威遵廟謨乃能成事吾何功哉況
使相極品乎美曰何謂也彬曰太原未平姑少待之既
獻俘太祖曰本除卿使相然劉繼元未平姑少待之既
聞此語美竊視彬微哂太祖然劉繼元未平姑少待之既
遂以前對太祖亦大笑乃賜彬錢二十萬彬曰人生何
必使相好官曹濟陽武惠王行狀曰未幾拜樞密使忠武
軍節度使官曹濟陽武惠王行狀曰未幾拜樞密使忠武
為軍士所掠者王卽時遣還之因大搜軍中無得賍人

妻女振乏絕恤寡吳人大悅及歸舟中無他物惟圖
籍衣被而已邵氏聞見錄曰太祖遣曹彬潘美征江
南彬辭才力不迫乞別選能臣潘美盛言江南可取帝
大言諭彬曰所謂大將者能斬出位犯分之副將則不
難矣美汗下不敢仰視將行夜召彬入禁中帝親酌酒
彬醉宮人以水沃其面既醒帝撫其背以遣曰會取會
取他本無罪只是自家著他不得益欲以恩德來之也
是故以彬之厚重美之明銳更相爲助令行禁止未嘗
妄戮一人而江南平昔公談錄曰太祖遣王全斌等
平蜀全斌殺降兵三千人時曹彬不從但收其文案不
署字及師還太祖傳宣送中書取勘左右曰方克復西
蜀回雖殺降兵亦不可便案劾今後陛下如何用人太
亂曰不然河東江南皆未歸服若今後陛下如何用人
者轉亂殺人但取令勘劾泊勘案成宣令後殿見責問
曰如何敢亂殺又曰曹彬但退不干你事曹不退但叩
頭伏罪曰臣同商議罪合誅戮太祖遂皆原之後忽一
日宣曹并潘美曰命汝收江南又顧曹曰更不得似往
時西川亂殺人曹徐奏曰臣固執不下臣見當日未
西川殺降之事臣曾商量曰固執不下臣見當日未
不著字太祖令取寬之謂曰如此則當時何故堅執伏
罪曰臣初與全斌等同委彼任若全斌等獲罪臣獨清
雪不爲穩便所以一同伏罪太祖曰卿既欲自當罪又

安留此文字曰臣初意陛下必行誅戮故留此文令老
母進呈乞全老母之命太祖尤器遇之情或過功臣之家
太祖卽位之初數出微行以偵伺人情大雪向夜普謂
帝不可測趙普每退朝不敢脫衣冠一日大風雪中普惶懼
迎拜帝曰已約晉王矣已而太宗至其於普堂中設重
褥地坐熾炭燒肉普妻行酒帝以嫂呼之普從容問曰
夜久寒甚陛下何以出帝曰吾睡不能著一榻之外皆
他人家也故來見卿普曰陛下欲下天下耶南征北伐今
其時也願聞成算所向帝曰吾欲下太原當西北二邊使一
日非臣所知也帝問其故普曰太原當西北二邊使一
舉而下則二邊之患獨我當之何不然當留以俟削平諸
國則彈丸黑子之地將無所逃帝笑曰吾意正如此特
試卿耳遂定下江南之議帝曰王全斌平蜀多殺人吾
今思之猶耿耿不可用也普於是薦曹彬爲將以潘美
副之明日命帥彬與美陞對彬辭才力不逮乞別選能
臣美盛言江南可取帝大言諭彬曰所謂大將者能斬
出位犯分之副將則不難矣美汗下不敢仰視將行夜
召彬入禁中帝親酌酒彬醉宮人以水沃其面既醒帝
撫其背以遣曰會取會取他本無罪只是自家著他不
得益欲以恩德來之也是故以彬之厚重美之明銳更
相爲助令行禁止未嘗妄戮一人而江南平皆帝仁聖

神武所以用侍衛馬軍都虞候李漢瓊

宋史曰李漢瓊

之得其道云

刺史遷內殿直周顯德中從征淮南先登遷龍旗直副都

知史左射指使宋初再遷鐵騎第二軍都校領饒州

虎捷左廂都指揮使初領融州防禦使遷侍衛馬軍都虞

左廂都指揮使觀察使王師征江西南令領行營騎軍兼戰權

數百艘沿流拔池州破銅陵取當塗作浮梁於牛渚以

濟大軍分圍金陵率所部度秦淮取巨艦寶輦其中縱

火攻其水砦拔之江南平以功領振武軍節度太平興

國二年出為彰德軍節度四年太宗親征太原改攻城

都部署漢瓊與牛思進主攻城南偏漢瓊先登矢集其

之先是攻城者以牛革冒木上召至幄殿賜良藥以慰勞

子乘之欲幸其中以勞士卒漢瓊極諫以為矢石之下非

契丹數萬騎寇中山漢瓊與戰於蒲城大敗之遂至遂

城俘斬萬計加檢校太尉署加賜戰馬大甲寶劍戎具以

事稱旨命為滄州都部署加賜戰馬大甲寶劍戎具以

寵之六年以病還京賜白金萬兩月餘卒年五十五贈

中書令漢型性木強使酒難近然善暖有功無子弟漢
賀州刺史田欽祚宋史曰田欽祚穎州汝陰人父令方
有美色令方私之邊庭不勝忿會陝西三叛連衡關輔
間人清大擾邊庭率其徒數人夜縫入川解害令方因
掠郡民投趙思綰至潼關與守關使者戰遂敗散朝廷
錄徵關南還會塞潼關漢河周世宗征淮南為前軍都監
從修澶州城准人寇高密刺史王萬成求濟師命欽祚
領州兵援之既至圍解宋初遷閭門通事舍人乾德二
年冬討蜀為壯路先鋒都監令乘傳往來宣達機事孟
昶降奉捷書馳奏遷西上閭門副使蜀土寇亂又遣欽
祚率師討平之四年春并人寇樂平從羅彥環拒之獨
以所部三千人破寇擒副將一人俘獲甚眾以功遷西
上閭門使開寶二年又與何繼筠破賊兵於石嶺關領
賀州刺史判四方館使三年契丹寇中山以欽祚為定
州路兵馬都部署與戰遂城自旦及哺殺傷甚眾欽祚
馬中流矢踣驛士王超授欽祚之還奏合旨江南所得寶貨
廷將議討江表遣欽祚覘之還奏合旨

直三千萬悉以賜欽祚會興師首命欽祚與曹彬李漢
瓚率騎軍先赴江陵就命爲昇州西南路行營馬軍兼
左廂戰擺都監領兵敗吳軍萬餘於溧水斬其主帥李
雄等五人擒裨將二人進圍金陵爲南面攻城部署既
平以功加領汾州防禦使太平興國初遷引進使爲晉
州都鈐轄大原驍將楊業率眾寇洪洞縣欽祚擊敗之
斬首千餘級獲馬數百太宗賜欽祚白金五千兩令市
宅四年從征太原護前鋒騎兵屯石嶺關以扞契丹欽
祚性剛戾負氣多所忤犯與主帥郭進不協進戰功高
屢爲欽祚所陵心不能甘遂自縊死初賊兵奄至進出
戰欽祚但閉壁自守既去又不追所受月俸芻粟多販
鬻規則爲部下所訴責授睦州團練使車駕北巡以爲
幽州西路行營壕砦都監六年秋改房州團練使逾年
又改柳州嶺外多瘴氣因遣疾累表乞生還闕下上憐
之遷郢州團練使在郡二年入覲欽祚見上涕泣不已
以爲銀夏綏宥都巡檢使儀召還會征幽州命欽祚與
宣徽南院使郭守文爲排陣使時欽祚已被病受詔不
勝喜一夕卒欽祚性陰狡尤不喜儒士好狎侮同列人
多惡之子承誨仕至崇儀副使率舟師繼發及是又命山
南東道節度使潘美宋史曰潘美大名入朝廷議征江
南命美爲昇州道行營都監與曹

彬偕往進次秦惟時舟楫未具美下令曰美提曉果數
萬期於必勝豈限此一衣帶水而不徑渡乎遂麾以步
大軍隨之江南北師大敗及采石磯浮梁成江南人以戰
艦二十餘鳴鼓奔流來趨利美麾兵奮擊奪戰艦又破
其城南水砦分舟師守之奏至太祖遣使令亟徙置戰
艦以防他變美圖詔即徙軍是夜江南人果來攻砦不
能克進薄金陵危甚夜遣兵數十萬陳於城下美率兵襲擊
大敗之金陵危甚夜遣兵數十萬陳於城下美率兵襲擊
率精銳以短兵接戰因與大將曹彬率士晨夜攻我師美
城百道俱進金陵平累官檢校太師加同平章事侍衛
步軍都虞候劉遇宋史曰劉遇滄州清池人少魁梧有
控鶴都頭改副指揮使宋初遷御馬直指揮使俄領漢
州刺史改領眉州累遷控鶴右廂都指揮使領瓊州團
練使從征太原以功遷虎捷右廂都指揮使領瓊州團
實六年轉侍衛步軍都虞候吳兵三萬屯院口遇會諸路兵
步軍戰權都指揮使時吳兵三萬屯院口遇會諸路兵
破之擒其將朱令斌王暉等獲戎器數萬金陵以平錄
功加領大同軍節度使車駕雲祀西洛命率禁衛以從
太平興國二年出為彰信軍節度四年征太原與史珪
攻城北面平之進攻范陽師還坐所部失律責授宿州
觀察使五年從幸大名復保靜軍節度邠州行營都部

署護築保州威虜靜戎平塞長城五城八年徙鎮滑州
晨興方對客足有炙瘡痛其醫謂火毒未去故痛不止
過卽解衣取刀割瘡至骨曰火毒去矣談笑如常時旬
餘乃差遇性瀟灑待士有禮尤善射太宗待之甚厚雍
熙二年卒年六十六
贈侍中歸葬京師
東上閣門使梁迥率師水陸並進
王梅日開寶七年九月十九日丙寅命山南東道節度
使潘美領州團練使曹翰宣徽南院使義成軍節度使
曹彬侍衛馬軍都虞候李翰瓊賀州刺史田欽祚步軍
都虞候劉遇等同赴荆南十月二十三丁亥又以吳
越國王錢俶爲昇州東南面行營招撫制置使三十日
甲辰以曹彬爲西南路行營馬軍戰權都總管潘美爲
都監曹翰爲先鋒
與國信使李穆同日行冬十月國主
都指揮使以討之
遣江國公從鎰貢帛二十萬匹白銀二十萬斤
宋史作茶二十萬斤
又遣起居舍人潘慎修貢買宴帛萬匹錢五百萬
金陵
新志作五千貫御衣金帶金銀器用數百事築城聚糧
又貢銀五萬兩絹一萬匹以王師傳城來告
大爲守備閏十月王師拔池州
王海閏十月己酉曹彬
收峽山寨殺江南軍八

百人獲王仁震等遂克池州馬令書曰池州主將戈
彥棄城走宋史曰吳中復字仲庶興國永興人父仲
舉仕李煜為池陽令曹彬平江南仲舉嘗殺彬所招使
者城陷彬執之仲舉曰世祿李氏國亡而死職也彬義
而不殺曹彬使為李煜死守城破主將舉南唐時為彭澤主
簿殺曹彬使為李煜死守城破主將舉南唐時為彭澤主
官員外郎子即中復為龍圖閣學士墓在都昌縣之長
城里其銘歐陽修作梅聖俞書歐陽公吳某墓志曰
吳某李煜時為彭澤主簿曹彬破池陽遣使者招降郡
縣其令欲以城降某曰吾能為李氏死耳乃殺使者為
煜守煜已降某為遊兵執送軍中主將義而釋之國主於是下
以殺使者曰固當如是主將義而釋之國主於是下
令戒嚴去開寶紀年稱甲戌歲馬書曰江南自周世宗
老將已死主兵者皆新進少年以功名自負輒抗王師
聞兵興踊躍言利害者日有十數及遇輒敗北中外奪
氣戒嚴守城國主遣徐鉉辛未王師進拔蕪湖及雄遠
周惟簡奉表乞緩師不咎辛未王師進拔蕪湖及雄遠
軍王海曹彬敗江南軍七千餘人於銅陵生擒八百人
獲戰艦二百餘艘連拔蕪湖當塗二縣駐軍於采石
磯馬書將軍張溫鄭彥華杜真相繼敗績宋羅願
新安志曰魏太尉羽字暉天壽源人唐鄭公之後初仕

江南為昭文館校書郎出為雄遠軍判官今太平州是也王師渡江道出城下羽歸款轅門太祖聞而嘉之特拜太子中舍江南野史曰王師寇池州以吳越王亦天德軍都虞候杜真帥禦之敗於當塗吳越王亦大舉兵遣將犯常潤寨敗江吳越王錢俶拔常州利城吳越遣使入貢上謂之日歸語汝元帥江南屈疆不服我將討之元帥無惑人言云歸語汝之不存毛將安附當助我及討江南俶率兵拔常州遣大將沈承禮等率兵水陸隨王師平潤州遂進討金陵太祖謂吳越備史日王遣元帥府掌書記黃夷簡入貢太祖謂夷簡曰汝歸語元帥當訓練甲兵江南屈疆不朝我將討之元帥當助我無信人言脣亡齒寒王密表謝且請師期次年七月敕詔王取常州詔日敕錢俶朕統御萬邦無臨兆庶推至誠而待物期率士以歸心布惠行仁是子本志興師動眾非我願為惟彼江南言修禮臣禮久被撫綏之化頗傾依附之心貢為惟章則惟見恭勤修外貌則多從減降既云事大每欲包荒甘言嘗信其赤心內稔豈疑其姦詐而又疊傾誠款願降冊封既禮分之未虧故我心之無間使人頻至詞旨愈專是以特降近臣俾其早來赴關願託故懇恩禮殊隆何期終日以特降近臣俾其早來赴關願

點鄉兵爲捍拒之謀作攻守之備朝廷養寇垂二十年
心很貌恭突然自敗向展爲臣之禮適茲觀警之方每
云傾輸動彰狡詐既行問罪須至興師今者禁衛出軍
雲臺選將剋期攻取直抵昇州卿任重統戎心專蕩寇
況早者自披章奏具述事宜今驗姦凶果符陳請聞茲
討伐必罄忠勤今候丁德裕到彼住三五日可部領兵
士起發且往攻取常州毗倚之懷昭未已故茲詔示
想宜知悉是月王密遣行軍司馬孫承祐人奏機事九
練士卒揀閱兵甲至是敕遣內客使丁德裕仍賜御劍一
禮物冬十月敕授王東南面招討制置使仍賜御劍一
口御甲一副金鞍御馬一匹仍命丁德裕爲行營兵馬
都監又以雲騎雄捷等指揮步兵凡千人輔王進攻
州是月庚申王親率鎮國鎮武親從上千人直等都指
王諤等五萬餘人發自國城丁德裕爲先鋒使是日天
氣晴和風色便順癸亥次嘉禾有氣黑色形如覆舟當
行府之上者日王氣也丙寅王率諸軍入毗陵前鋒
所至賊望風而遁有獲巨龜於旌門之下占者曰玄武
之應也戊辰王次毗陵遂克關城常人以牙城自守王
命營於九僊墩命親從指使凌超等分營四門命鎮
國指揮使王諤攻江陰鎮武都指揮使金彥沼攻宜興
並率水艦由吳興出太湖而進十一月詔遣弓箭庫使

王文寶來宣諭仍賜湯藥以金盒盛封至是月王遷行
府於賊城南門金彥滔克宜興獲其令尉等官士卒凡
二百五十人馬八十匹王即命金彥滔獻於京師十二
月癸亥王親率軍將攻拔城寨殺賊軍二千餘人生擒
六百餘人辛未又殺賊萬餘人於城北金陵大將盧國
絳育遁翌日王命鈞韓使沈承禮等並告於京師
主貽之書曰今日無我明日豈有君一旦明天子易地
賞功王亦大梁一布衣耳吳越王表其書於朝王師次
采石磯作浮橋成金陵新志曰閏十月彬敗江南二萬餘眾於采石磯擒楊收孫震等獲戰
馬三百匹江南無戰馬朝廷每年賜百匹至是驅爲前
鋒郝守濬自荆南以大艦并黃黑船跨江爲浮梁試於
石簾口樊若水父保大中爲漢陽令父卒家池州屢
舉進士不第因謀歸宋乃祝髮爲僧廬於采石山鑿石
爲竅及建石浮屠月明繫繩於浮圖乘小舟載繩其中
維南岸疾棹抵北岸凡十數往還得其江之廣狹因詣
汴上書言江南可取狀請造浮梁以濟師宋太祖然之
遣使往荆湖造黃黑龍船數千艘又以大艦載竹梘自
荆渚而下或謂江闊水深古未有浮梁而濟者不聽擢
若水石贊善大夫平南之策多所參預或請誅其父母

裴子後主不取但驕置池州若水又自陳厚妻在江南
宋太祖命後主護送後主雖憤終不敢違厚而遣之
及宋師南下以若水爲先導既克池州卽用爲知州已
若水請試舟乃先試於石陂口移至采石三日成不差
尺寸潘美因率步兵渡江如履平地初後主聞宋作浮
梁語張洎對曰載籍以來長江無爲梁之事後主曰
吾亦以爲兒戲耳至是乃驚若水尋奉太宗命更名知
古宋史曰樊知古字仲師其先京兆長安人曾祖
濮州司戶參軍祖知古論事吳爲金壇令父潛事李景任
漢陽石埭二縣令因家池州知古嘗舉進士不第遂謀
北歸迺漁釣采石江上數月乘小船載絲繩維南岸疾
棹抵北岸以度江之廣狹開寶三年詣闕上書言江南
可取狀以求進用太祖令送學士院賜試本科及第解
褐舒州軍事推官嘗啟於上言老母親闕數十口在江
南恐爲李煜所害願迎至治所卽詔煜令遣之煜方問
命卽厚給齎裝護送至境上七年召拜太子右贊善大
夫會王師征江表知古爲鄉導下池州八年以知古領
州事先是州民保險爲寇知古擊之連拔二砦虜其魁
以獻餘皆潰敗方議南征命高品石全振往湖南造
黃黑龍船以大艦載巨竹短白荆南而下遣八作使郭
守藩等率丁匠營之議者以爲江濤險壯恐不能就乃
于石陂口試造之移至采石二口橋成不差尺寸從知

古之請也。陸放翁入蜀記方若水之北走也。江南知其獻南征之策，或請誅其母妻。在江寧朝延，命煜護送煜雖而己其後，若水自陳母妻在江寧朝延，命煜護送煜雖。實切終不敢違厚遺而遣之。然若水所鑿石竅及石浮圖皆不毀，王師卒用以繫浮梁，則李氏君臣長驅渡江之暗且忘亦可知矣。雖微若水有不亡者乎？遂至金陵。王海日十一月敗江南軍二萬人於采石磯。楊收等甲申大，江浮梁成大軍，長驅如履平地，又敗數千人於新林寨。十二月又敗江南軍五千餘人於白鷺洲。八年正月甲戌朔，又敗江南軍萬餘人於溧水，斬僞都統使李雄等。曹彬等又敗其眾於江中，四月又敗其眾於秦淮北。六月城三月又敗其眾於江中，四月又敗其眾於秦淮北。六月月曹彬又敗其眾於江中，四月又敗其眾於秦淮北。六月州十月劉遇破江南軍三萬餘眾於皖口。十一月乙酉降，潤其軍五千，人於城下。先是彬等遣使以三寨攻城，圖來上帝祝之，指播美北寨謂其使曰：「此宜深溝自固，吳人必夜寇其壘。」爾既去，令曹彬自督其役，并力速城，入不能為其所乘矣。彬等承命晝夜潛之才畢，吳人果來寇。美等挾新溝以拒之。吳人大敗，悉如帝所料焉。江南野史曰：時廬絳出師水戰，生獲裨校及甲士百一人，其一

校甚武或說之曰若對官家善辭必免禍校抗聲曰彼
一國主何言官家既見喏而不拜後主喜且懼因問北
軍中似汝輩者幾人對曰國主宜超降爲一城延命如
吾輩何足問後主默然久之令出爲問人所刺校大呼
日吾恨死不得所矣餘甲士皆重傷後主哀之給以飲
食藥餌追痊引見各給日官家慈悲如佛臣等無以答
願踰城竊獻北將以謝生成乃夜縱之迨旦皆割腹而
至後主喜賜而再遣之不復至矣故城中虛實皆被測
每歲大江春夏暴漲謂之黃花水及宋師至水皆縮小
國人異之國主以軍旅委皇甫繼勳機事委陳喬張洎
又以徐元珣刁衍爲內殿傳詔而達書警奏日夜狎至
元珣等輒屏不以聞王師屯城南十里閉門守陴國主
猶不知也初烈祖有國凡民產二千以上出一卒號義
軍馬書作義師宋史張齊賢傳曰初李氏據有江南
民戶稅錢三千已上者戶出丁一人暇面自備器甲
輸官庫出卽給之曰支糧二升名爲義軍旣內附皆放
歸農至是言者以爲此輩已在行伍不樂耕農乞遣使

選充軍伍並其家屬送關下齊賢上言江南義軍例皆
良民橫遭黥配無所逃避克復之後便放歸營久被皇
風並皆樂業若逐戶搜索不無驚擾法貴有常政分籍
尚清淨前敕既放營農不若且仍舊貫之爲善

者又出一卒號生軍

馬書作新擬生軍

新置產亦出一卒號新

擬軍客戶有三丁者出一卒號拔山軍

馬書謂之闔軍後改拔山軍

元宗時許郡縣卹社競渡每歲重午日官閱試之勝者

給綵帛銀梳

江南野錄曰勝者加以銀盆馬令書曰謂之打標舟子

皆籍姓名至

是盡取爲卒號凌波軍民奴及贅壻號義勇軍以私財

招聚無賴亡命號自在軍至是又大蒐境內自老弱外

皆募爲卒號排門軍民間又有自相率拒敵以紙爲甲

農器爲兵者號白甲軍

馬書并屯田白甲之類

凡十三等皆使捍

禦然實皆不可用奔潰相踵

乙亥歲春二月壬戌朔師拔金陵關城三月丁巳吳越

攻我常州權知州事禹萬誠以城降禹書余成禮劫刺

吳越備史曰八年春二月詔遣內直使陳理來宣諭仍

以戎服五萬副賜王軍卒又賜王將帥服帶器帛有差

是月王親率大軍攻其壘不克夏四月我師復大攻城

壘時僞知常州軍州事禹萬誠遣觀察推官鄭簡降款

於軍門且請命焉王從其請禹萬誠等詣行府待罪王

賜以衣冠器帛等悉送於京師以請命又命羊酒置其

家以安慰之江陰寧遠等軍沿江石橋等寨軍兵來降

王悉宥之是月敕遣使來宣諭授王守太師加食邑六

千戶實封九百戶仍賜湯藥及沿身法物等五月詔各

省使丁德裕權知常州仍又遣敕上侍禁李輝賜王襲

衣玉帶玉鞍勒馬一事金器二千兩銀器一萬兩錦綵

一萬段詔歸國是月王遣兩浙諸軍都鈐轄使沈承禮

等率兵會王師於金陵宋史紀事曰南國之藩蔽今大

兵五萬攻常州丞相沈虎子諫曰江南國之藩蔽今大

王自撤其藩蔽何以衛社稷乎不聽宋賜王敕曰敕

錢俶省所差鎮東軍支使王通今月二十八日走馬到

關奏今日十五日偶命知常州禹萬誠等歸附已安撫

城中事具悉卿位高王霸天付將才門專衛社之勳世

著勤王之節一昨親提銳旅取彼堅城勢孤而既絕援
兵力盡而遂輸降款遠歷寒暄之候遂成克復之功永
增史冊之光輝實協君親之任委甚為
嘉賞不捨麻興故茲獎諭想宜知悉
誅神衛都指揮

使皇甫繼勳等出五車色白長五尺夏六月轉見西方

犯太微六十日滅王師及吳越圍潤州留後劉澄以城

降玉海曰九月吳越遂會王師圍金陵洪州節度使朱

令贊帥勝兵十五萬赴難與王師遇大潰金陵益危蹙

王師百道攻城晝夜不休城中斗米萬錢人病足弱死

者相枕籍國主兩遣徐鉉等厚貢方物求緩兵皆不報

表曰臣猥以弱孱僻在幽疏惟將一心上結明主比蒙

號召自取愆尤王師四臨無往不克遂窮道迫天實為

之令一朝便忘覆露號咷鬱咽益見舍乎臣等受獎與首

冠萬方奈何一日自踵蜀漢不臣之子同羣合類而為

囚虜貽笑天下取辱先臣臣所以不忍也豈獨臣不忍

為亦聖君不忍令臣為也臣聞鳥獸微物依人而又哀
 之君臣大義傾忠能無辭乎臣聞鳥獸微物依人而又哀
 臣死生之願畢矣皇天后土實鑒斯言歐史南唐世
 家曰太祖之出師南征也煜遣徐鉉朝於京師移居江
 南以名臣自負欲以日舌驍說存其國及其將見也大
 臣亦先入言鉉博學有辨直有以待之太祖笑曰第去
 非爾所知也明日鉉朝於延和而言曰李煜無罪陛下
 師出無名太祖徐召之升使畢其說鉉曰煜以小事大
 如子事父未有過失奈何見伐其說累數百言太祖曰
 爾謂父子者為兩家可乎鉉無以對而退宋史曰宋
 師圍金陵煜遣鉉求援兵時煜將朱令贊將兵十餘萬
 自上游江來援煜以鉉既行欲令止贊勿令東下鉉曰此
 行未保必能濟難江南北所恃者援兵耳奈何止之煜曰
 方求和而復決戰豈利於汝乎鉉曰要以此社稷為計豈
 願一介之使置之度外可也煜泣而遣之及至雖不能
 緩兵而入見辭歸禮遇皆與常同後山詩話載鉉來
 宋欲以口舌解圍盛稱其主博學多藝使誦其詩曰秋
 冰之篇天下傳誦太祖大笑曰寒士語爾吾不道也因
 自言徵時自秦中歸道華山下醉臥覺而月出有句曰
 未離海底千山黑纔到天中萬國明鉉大驚服捫蝨徐
 新話曰帝王文章自有一般富貴氣象但笑曰此寒士
 鉉來朝誦後主風月詩云云太祖皇帝但笑曰此寒士

語耳吾不爲也吾微時夜白華陰道逢月出有句云未
離海底千山暗纔到中天萬國明鉉間不覺駭然驚服
太祖雖無意爲文然出語雄健如此以予觀李氏據江
南全盛時宮中詩曰簾日已高三丈透金鑪次第添香
獸紅錦地衣隨步蹴家人舞滴金釵榴酒惡時拈花綵
喫別院時聞簫鼓奏議者與時挑野菜和根煮旋砍生
柴帶葉燒者異矣然太祖一日與朝士議論不合歎曰
安得桑維翰者與之謀事乎左右曰桑維翰愛錢太祖
日措大家眼孔小賜與十萬貫則塞破屋矣以此言之
不知彼所謂金鑪香獸紅錦地衣當費錢萬貫計語得
無是惜大家眼孔乎獸紅錦地衣當費錢萬貫計語得
全一邦之命鉉見太祖反覆論辨不已太祖怒曰不須
多言江南亦有何罪但天下一家臥榻之側豈容他人
鼾睡邪宋史侯陟傳曰時江表未拔南土皆慕軍卒
疫死方議休兵以爲後圖陟適從揚州來知金鑪危甚
上急變求見時被病令掖入卽大言曰南唐半在朝夕
陛下奈何欲班師上屏左右冬十一月白虹貫日書晦陸
石召升殿問狀遂寢前議冬十一月白虹貫日書晦陸
錄曰李繼隆從曹彬平江南太祖謂曰昇州平可持捷
書來時內侍數十數皆伺獻捷其來繼隆奏曰途遇大風獨
赴闕太祖以城未下願終日捷書至上語之曰如汝料
地冥晦城破之兆也翌日捷書至

矣乙未城陷馬書曰冬百姓疫死士卒乏食議曰大軍

清源公仲寓出通降款左右以謂堅壘如史曰是日冬無變

豈可計日取降是日城果陷吳越備史曰是我節序必有

軍中皆會飲沈承禮謂諸將士曰城中召敢死士千人

以火攻其城陷其東門士皆鼓勇攀壘而上王師觀之

亦攻其南城危迫遂出降焉時後主在國城中作長

短句櫻桃落盡一闕未就而城已破仙云圍城中書其

條作西清詩話載江南李後主家藏李後主七佛戒經又

尾不全以予考之殆不然子家藏李後主七佛戒經又

維書二本皆作梵葉中有一臨江仙塗注數字未嘗不全

其後則書學太白詩數章似平日學書也本江南中書

舍人王克正家物後歸陳魏公之孫世功君懋余陳氏

增也其詞云櫻桃落盡春歸去蝶翻輕粉雙飛子規啼

月小樓西玉鉤羅帶長暮煙垂別巷寂寥人散後望

殘煙草低迷鑪香問嬋鳳皇兒空持羅帶回首恨將軍

依依後有蘇子山題云淒涼怨慕真亡國之聲也將軍

周彥秋浦志載池馬承信及弟承俊戰死馬書諸將戰

人勤政殿學士鍾稭唐餘紀傳曰鍾稭字德林豫章人

勤政殿學士鍾稭唐餘紀傳曰鍾稭字德林豫章人

勤政殿學士鍾稭唐餘紀傳曰鍾稭字德林豫章人

等遊初爲滿府從事累登臺郎爲集賢殿學士本書音
釋曰保大九年蒞以員外赴東府亞尹徐鉉等餞於石
頭城分題爲詩蒨有口山別諸知己詩云暮景江亭上
雲山日望多只愁辭輦轂長恨隔嵯峨有意圖功業無
心憶薛蘿親朋將遠別且共醉笙歌又克復揚州後以
情輟侍從攝戶正與徐鉉等分韻賦詩弟緒亦與蒨有
賦得新鴻別諸同志詩云隨陽來萬里點點度遙空影
落長江水聲悲半夜風殘秋辭絕漠無定似驚蓬我有
離羣恨飄飄類此鴻蒨之才譽亦可見矣宋師入金陵
後主帥羣臣降蒨朝服坐於家亂兵至舉族就死不去
光政使右內史侍郎陳喬等死之唐餘紀傳曰廖澄順
昌人後主時爲大理
評事宋師圍金陵勢危急校書郎林特勸與同降澄不
可謂特曰吾父任唐君臣之義不可廢也當矢死不二
乃預以身後屬蒼頭遣之開道歸國主帥司空知左右
報其家城陷遂從容更衣仰藥死
內史事殷崇義等內相出降王海日開寶八年十一月
昇州擒李煜及其臣寮百餘人江南平得州十九軍三
縣一百八戶六十五萬隆平錄戶六十五萬五千六
十五破城宜早爲之圖後主遣其愛子清郡公仲寓人

觀至神冬下旬日日剋期仲寓未出屢遣誓之言如
君到寨四面即罷攻後主終或左有之言豈足為堅信但
此天象無變豈可計日而取蓋敵人將以二十七日
報言行李之物未備宮中之宴餞未畢將以是日城陷
出彬又令懇言二十六日亦無及矣果納降彬答拜
之盡禮先至其宮中預積薪後主誓言若社稷失守
血屬以赴火既見彬諭以歸朝俸賜有限費入治裝
富厚自齎裝既歸有司之籍則無及矣遣後主入治裝
裨將梁迥田欽祥皆力爭以為苟有不虞告將誰執彬
曰非爾所知觀煥神色懦夫為女子之不若豈能自引
哉保煜無他彬謂五百人為數致輻重登舟後主既失
國殊無心問家計所實特鮮矣儒林公議曰初有寫
太祖御容至者主見天表神偉益懼林公議曰初有寫
後主落花詩云驚狂應有限蝶舞已無多未幾亡國
江南別錄曰後主欲自殺左右泣涕固諫乃止馬書
日昇元寺開崇構因山為基高可十丈平旦閣影半江
梁時為瓦官閣至南唐民俗猶兩其名士大夫暨豪民
富商之家美女少婦避難其上迨數百人吳越兵舉火
焚之哭聲動天一旦燼大將曹彬整軍成列至宮門
開後主跪拜納降彬答拜盡禮既諭以歸朝俸祿有限
費用日廣當厚自廣裝一歸有司之籍即無及矣遣人

治裝裱將梁迥田欽祥力爭彬笑而不答固諫彬曰彼
能出降安能死乎麗下道旋彬立斬之真儒者固敢蹉
輻重登舟一卒負麗下道旋彬立斬之真儒者固敢蹉
跌美王陶談淵曰曹彬潘美平江南後主白紗衫帽見
彬美先見美設拜美答之次見彬設拜彬使人附語曰
介胄在身拜美設不及答藏者善其得禮彬美先登舟召後
主飲茶船前設一獨木板道後主登舟涕泗不能進彬
命左右翼登既一吸謂李郎辦裝詰旦此同赴京來
曉如期至始美甚或謂彬曰是日獨木板尙不能進近
死甚也焉能取死馬書曰是日陳不受請奏其事彬
臣辦裝張必得金二百兩詔彬白陳不受請奏其事彬
以金輸官而不得金二百兩詔彬白陳不受請奏其事彬
圯得石函長二尺廣八寸中有識銘云維梁天監十四
年秋八月葬僧寶誌於是銘有引曰寶公嘗爲偈大字
書於版帛帶之是時名士陸垂姚察而下皆莫知其旨
或問之云在五百年後其銘曰莫問江南事江南自有
馮乘雞登寶位跨犬出金陵子建司南位安仁乘夜燈
東鄰家道關隨虎遇明興字皆小篆徐鉉徐鉉韓熙載
皆不能解及後主歸朝識者解云後主以丁酉襲位乘
雞也開寶甲戌江南國滅跨犬也王師圍城時曹彬營
其南子建也潘美營其北安仁也吳越王錢俶東鄰也
家道缺無錢也隨虎戍寅年也俶以興國三年人觀明

興也 金陵新志曰開寶中新修營一石記凡數百字

子盡更書十萬個從他痛從他痛如此連寫至末云不為石

師度江云江南別錄曰後主初即位中使趙希自金陵

建鄴奉使江西南姑熟中宵忽問二人語曰希自金陵

來新主何以爲理一日以仁孝爲理又曰如是則明主

也久之又聞一人曰然則水木之歲當至汴梁希操心

喜以爲後主終得中原果以乙亥歲國除又甲戌歲有衛

兵秦福自毀其鞋踐足升正殿御座論者以鞋者履也

履與李同言李氏將敗此殿爲秦人所得以秦趙古同

姓 金陵新志曰開寶七年金陵苑中鹿作人語叱我明

者明年今日汝等作鬼物又云苑中荒涼焉能拘我明

後漢以來民問有服玩侈靡者人詢之必對曰此物屬

趙主又後主妓妾嘗染碧經夕未收會露下色愈鮮

明後主愛之自是宮中競收露水染碧以衣之謂之天

水碧及江南滅方悟趙國姓也寶年號也天水趙之望

也 江表志曰開寶中將興兵革吉州城頭有一大面

方三丈睨目多鬚狀如方相自旦至申酉時郡人觀睹

甚眾所謂兆民顯顯之像 江南野史又云吉州子觀睹

上有神見頭如車輪額上有珠今呼爲天王樓 江子

野史曰初宋師將興建康城外一大樓航吼如人聞十

數里後主降杖決之又見鳧雁干羣自北飛至城側叫
嘯悲鳴又盧陵人曾氏子將娶婦忽化為女嫁之有子
其怪譏多類此卒亡國春明退朝錄云開寶八年江
南平留汴水以待李國主舟行盛寒河流淺涸詔所在
爲壩開溝水以過舟官吏鞭凍督役稍稽則皆荷校甚
者劾罪以次被罰州縣降黜而杖之者十餘人五國
故事日煜善言律造念家山及振金明年二月辛未至
鈴曲破言者家山破金陵破之議也
京師煜及子弟爲官四月十五日辛未曹彬奉露布以李
有司言李煜獻俘之禮請如劉鋹帝以煜常奉正朔非
不量分力每縱姦險詐爲事大之恭勤每欲欺天而觀
望修葺城壘彌年有固守之方招誘豪強終日有包藏
之志顯然彰露達於聽聞朕欲推以異恩許其入覲堅
心背順稱疾不朝云云日涉錄曹彬上露布略曰昇
州行營馬步軍總管都署徽南院使義成軍節度使臣
曹彬等上尚書兵部臣等聞天道之生成庶類不無雷
電之威聖君之統制萬邦必有干戈之役所以表陰慘
陽舒之義彰弔民伐罪之功我國家威萬世之基應干
年之運四海盡歸於臨照入紘符入於提封西定巴平
復五千里升平之地南收嶺表除七十年積憾之邦斂

魏而帝道彌光赫赫而皇威遠被頃者因緣喪亂分列
土疆累朝皆遇於暗君莫能開拓中夏今逢於英主無
不埽除惟彼江南言修臣禮外示恭勤之貌內懷姦詐
之謀況李煜此是騷童固無遠略負君親之鞠育信左
右之姦邪曾無量力之心但貯欺天之計我皇帝度深含
爲固守之謀招納叛亡潛萌抗拒之計我皇帝度深含
志在包荒觀青鑒之近臣降紫泥之丹詔曲示推恩
之道俾修入觀之儀期暫詣於闕庭庶盡銷於疑聞示
信特開於生路執迷自履於危途託疾不朝堅心背順
士庶咸懷憤激君親曲爲於優容但矜孽豎之恩蒙
慮陷人民於塗炭屢宣明旨庶俾自新略無俊悟之心
轉恣陸梁之性事不獲已至於用兵大江特紉於長橋
銳旅尋圍其逆壘皇帝陛下尙垂恩宥終欲保全遣親
弟從鑑歸迴降天書委曲撫諭務從底護無所闕焉終
懷蛇豕之心不體乾坤之造送蠟書則句連逆寇肆凶
徒則劫掠王民勞我大軍駐踰周歲既人神之共憤復
飛走以無門獵獵竟效其先登蟻蠆自悲於相弔臣等
於十一月二十七日齊驅戰士直取孤城姦臣無漏於
網中李煜生擒於麾下千里之氛霾頓息萬家之生聚
尋安其在城官吏僧道軍人百姓等久在偏方困於虐
政喜逢盪定皆遂舒蘇望天朝而無不涕洟樂皇化而
惟皆鼓舞有以見穹昊助順海嶽知歸當聖明臨御之

期是文執混同之日卷甲而兵鋒永戢垂衣而帝祚無窮臣等俱乏將才謬司戎律遙稟一人之睿略幸成九伐之微勞其江南國主李煜并偽署臣寮已下若干人既就生擒台將獻捷臣等無任歌時樂聖慶快惟呼之至江南北史曰後主初違朝旨拒命不行常謂人曰他日宋師見攻當躬擐戎服背城一戰如其不獲當聚室自焚宋祖聞之謂左右曰此措大兒語耳必無其志果能如是孫皓陳叔寶何作降虜至是果然東都事略郭守文傳曰曹彬等平金陵守文護送李煜歸闕煜略郭守文傳曰曹彬等平金陵守文護送李煜歸闕煜無生意守文語之曰國家開拓境土復禹舊迹豈責防風之後至乎煜心遂安宋史紀事曰曹彬俘後主還汴帝御明德門以嘗奉正朔命勿宣露布止令後主君臣白衣紗帽至樓下待罪詔並釋之賜冠帶器幣鞍馬有差召升殿撫問燕翼貽謀錄曰江南初下李後主朝京師其羣臣隨才任使公卿將相多爲小官惟任州縣官者仍舊至於服色例令服綠色不問其官品高下以示別於乙亥授右千牛衛上將軍封違命侯宋史謂中國也乙亥授右千牛衛上將軍封違命侯宋史謂之德本於好生爲君之心貴乎含垢自亂離之云摸致跨據之相承諭文告而弗實中弔伐而斯在慶茲混一加以龍級江南僞主李煜承奕世之道基據偏方而竊號惟乃先父早荷朝恩當爾襲位之初未嘗稟命朕方

示以寬大每爲含容雖陳內附之言罔效駿奔之禮
兵峻壘包蓄日彰朕欲全彼始終去其疑聞雖願召節
亦冀來朝庶成玉帛之儀豈願干戈之役寔然弗願潛
蓄陰謀勞銳旅以徂征傳孤城而問罪泊聞危迫履示
招撫何迷復之不悛果覆亡之自招昔者唐堯光宅非
無丹浦之師夏禹泣辜不赦防風之罪稽諸古典諒有
明刑朕以道在包荒恩推惡殺在昔騾車出蜀青蓋辭
吳彼皆閭位之降君不預中朝之正朔及願爵命方列
公侯爾賈爲外臣反我恩德比禪與皓又非其倫特升
拱極之班賜以列侯之號式優待遇盡捨尤違可光祿
大夫檢校太傅右千牛衛上將軍仍封遠命侯談淵
曰太祖一日小宴顧後主曰聞卿能詩可舉一聯後主
思久之乃舉詠扇詩云揖讓月在掌動握風滿懷太祖
曰滿懷之風何足尙從官歎服葉夢得石林燕話曰
他日復宴後主顧近臣太祖卽位加特進改封隴西公
宋史曰後主自言其貧詔增給月俸仍賜錢三百萬太
宗嘗幸崇文院觀書召後主繼觀謂曰聞卿在江南好
讀書此簡策多卿舊物歸朝來頗讀書否後主頓首謝
曰王鈺默記曰李王歸朝後與金陵舊宮人書云此中
日夕只以太平興國二年六月辛卯殂命翰林醫官視
眼淚洗面

疾中使慰諭數月翌日薨趙葵行營雜錄曰後主歸
朝後每懷故國且念嬪妾散落鬱鬱不自聊嘗作長短
句簾外雨潺潺春意將闌羅衾不奈五更寒夢裏不知
身是客一箇貪歡獨自莫憑闌無意思悽惋不久下世
時難流水落花春去也天上人間意思悽惋不久下世
日問曾見舊主否鉉對曰臣散騎常侍遷給事中太宗一
朕令卿往遂經往其居望門下馬但一老卒守門鉉言
奉旨見太尉老卒往報鉉入立庭下久之老卒取舊椅
相對鉉遙見謂卒曰但正衙一椅足矣頃聞李王紗帽
道服而出鉉方拜遽下階引其手上鉉辭賓主禮李王
曰今日豈有此禮鉉引梅殺了潘佑李平鉉去有旨召
默不言忽長吁曰當時梅殺了潘佑李平鉉去有旨召
對詢後主何言鉉不敢隱遂有秦王賜牽機藥之事牽
機藥者服之命故妓作樂聲聞於外太宗聞之大怒又
在賜第七夕命故妓作樂聲聞於外太宗聞之大怒又
傳小樓昨夜又東風一江春年四十二是日七夕也後
水向東流句併坐遂被禍
主蓋以是日生按徐鉉吳王墓誌作七月八日五國
百匹以爲月宮天河贈太師追封吳王葬洛陽北邙山
之狀一夕罷乃散之

徐鉉大宋左千牛衛上將軍追封吳王龍西公墓誌銘
并序曰盛德百世善繼者所以主其祀聖人一貫其有享
者不能固其存益運厥之美殊思飾壤懿範流光傳之金石
蕃錫之寵保克終之重光隴西人也昔庭堅贊九德伯
斯不誣矣王諱煜字重光隴西人也昔庭堅贊九德伯
賜恢至道皇天眷祐錫祚於唐祖文宗武世有顯德載
祀三百龜王綸胥宗子維城蕃衍萬國江淮之地獨奉
長安故我顯祖用膺推戴漳耀之烈載光舊吳二世承
基克廣其業皇宋將故我舊邦威待有周命貶太祖歷試
威德所及寧字將同故我舊邦威待有周命貶太祖歷試
朔獻地國以請吏故得義勤元后風行域中恩禮有加
綏懷不世魯用天王之禮自越常鉞鄒存紀侯之國曾
何足貴王以世嫡嗣服以古道馭民欽若彝倫率循先
志奉蒸膏恭色養必以孝資大臣事耆老必以禮居處
服御必勤修九貢府無虛月祇奉百役知無不為十五
年開天眷瀾程然而果於自信怠於周防西鄰起釁南
箕構禍投杼致慈親之戚乞火無里婦之辭始勞因累
之師終後塗山之會太祖至仁之舉大資為懷錄勤王
之前效恢焚誘之廣度位以上將爵為通侯待遇如初
龍錫斯厚今上宣猷大麓敷惠萬方每侍論思常存開
釋及飛天在運麗澤推恩耀進上公之封仍加掌武之

秩侍從親禮勉諭優容方將度越等彝登崇名數嗚呼
聞川無捨景命不融太平興國三年秋七月八日將疾
薨於京師之里地享年四十有二皇上年無凡興悼投瓜
軫悲痛生之不逮俾歿而加飾所須皆從官給卽其年
追封吳王命使蒞葬凡喪葬所須皆從官給卽其年
冬十月日葬於河南府某縣某鄉某里禮也夫人鄭國
夫人周氏動舊之族是生邦媛肅雍之美流詠國風才
實女師言成閨則子左千牛衛大將軍某稔神俊茂識
度淹通孝弟自表於天資才略靡由於師訓日出之學
未易可量惟王天骨秀異神氣清精言動則有容指可
觀精究六經旁綜百氏常以周公之道不可暫離經國
化民發號施令造次於宣載笑載言不逾語好文辭多所述
作一游一豫必以頌宣載笑載言不逾語好文辭多所述
精別雅鄭窮先王制作之義審風俗淳薄之原爲文論
之以續樂記所著文集三十卷雜說百篇味其文知其
道矣於弧矢之善筆札之工天縱多能必造精絕本以
惻隱之性仍好竺乾之教草木不殺禽魚咸遂賞人之
善常若不及掩人之過惟恐其聞以至法不勝姦威不
克愛以厭兵之俗當用武之世孔明罕應變之略不
近功偃王躬仁義之行終於亡國道有所在復何愧歟
嗚呼哀哉二室南峙三川東注瞻上陽之宮闕望北邙
之靈樹旁寂寂兮迴野下冥冥兮長暮寄不朽於金石

庶有傳於竹素其銘曰天監九德錫我唐祚縣吳跨楚喪
 茫孔燎我惟鳴依聖人既作我知所歸終日靡俟先
 不違惟藩惟輔永言罔之或汙塗爾時有險易燧止於
 棘虎游於市明公沐澤立澤嗣景風如松之茂後至
 亦觀亦見乃侯乃公沐澤立澤嗣景風如松之茂後至
 山之宗奈何不淑運極化窮舊國疏新封什啟室人
 之謀卜云其吉龍章顯德蘭言玉質邈爾何往此言終
 畢儼青蓋兮駢駢素虬兮遲遲即路兮徒返望君
 門兮永辭庶九原之可作與縱橫兮相期垂斯文於
 載將樂石兮無虧魏泰東軒筆錄曰吳王龍詔侍臣
 撰神道碑時有與徐鉉爭名欲中傷之者而奏曰知吳
 王事莫若徐鉉太宗詔鉉撰碑鉉遽請對泣曰臣舊事
 吳王陛下容臣存故主義乃敢奉詔太宗悟許之故鉉
 之爲碑但推言歷數有盡天命有歸而已其警句云東
 鄰構禍南箕扇疑後塗山之會太宗覽讀稱歎異日復
 始勞因畢之師終後歎賞今記二首曰倏忽千齡盡冥
 得鉉挽詞三首尤加歎賞今記二首曰倏忽千齡盡冥
 茫萬事空青松洛陽陌芳草建康宮道德遺文在興衰
 自古同受恩無補報反袂泣途窮土德承餘烈江南廣
 舊恩一朝人事變千古信書存哀挽周原道銘旌鄭國
 門此生雖未死寂寞已消魂李主葬北邙山江南錄乃

茲與湯悅奉詔撰故有千古信書之句東鄰謂吳越王
錢俶也湖廣總志李後主墓在通山縣翠屏山北且

言李煜卒以五十二棺同後主天資純孝事元宗盡子
日出葬為疑豕此志之誤

道居喪哀毀杖而後起嗣位初屬保大軍興後國勢削

弱帑庾空竭專以愛民為急蠲賦息役以裕民力案邵氏見

聞錄李主國用不足民開鵲生雙子尊事中原不憚卑
柳條結絮皆稅之此亦傳言者過也

屈境內賴以少安者十有五年憲司章疏有繩糾過許

皆寢不下論決死刑多從末減江南通志曰國中至免者

橋甚青燥長劍斷巨斧而釘脚又有關入立於殿庭之拜
下者為拜殿進士曾觀南省下第乃釘足謝泌下第立

殿稱冤舉人有司固爭乃得少正猶垂泣而後許之常
之風昂地矣有司固爭乃得少正猶垂泣而後許之常

獵於青山金陵新志曰青龍山在城東南三十五里周

主獵於青龍山一化狙獵罔見主雨淚屢指其腹若還
有所告主大怪戒虞人守之勿殺是夜果生二狙

如大理寺親錄繫囚多所原釋音釋曰一大辟婦以孕在獄適產二子囚得減

死中書侍郎韓熙載奏江南野史曰給事中蕭儼與熙載同彈奏十國春秋日國主

從之日繩愆糾獄訟有司之事囹圄非車駕所宜幸請

罰內庫錢三百萬以資國用雖不聽亦不怒也殂問至

江南父老有巷哭者然酷好浮屠江表志後主奉竺乾之教多不茹葷嘗買

禽魚謂之放生汪煥歙州人第進士後主酷佞佛時

有二臣極諫一徒一流最後煥死諫且曰昔梁武事佛

刺血寫佛書捨身為佛奴屈膝為僧禮散髮俾僧踐及

其終也餓死臺城今陛下事佛未見刺血踐髮捨身屈

膝臣恐他日猶不得如梁武也後主覽書云崇塔廟周

此敢死士雖擢渙為校書郎終不能用卒亡崇塔廟必

大西山遊記曰翠崖廣化院棟宇弘壯保大開澄源禪

師無殷住此李主甚敬之及辛自祭以文令韓熙載為塔

銘寺內有後主所畫羅漢及南唐經文與徐鉉碑後主

賜無殷詔皆用澄心堂紙畫日後即押字印文如髮絲

予賦其後云李氏世敬沙門其賜書編江度僧尼不可

左諸刹至於不失舊物如翠崖者亦鮮矣

勝算罷朝輒造佛屋易服膜拜故頗廢政事又置澄心堂於內苑引能文士及徐元機元榆元樞兄弟居其間中旨由之出中書密院乃同散地兵興降御札移易將帥大臣無知者皇甫繼勳誅死後夜出萬人斫營招討使但暑牒遣兵竟不知何往皆澄心堂直承宣命也長圍既合內外隔絕城中人惶怖欲死後主方幸淨居室聽沙門德明雲真義倫崇節講楞嚴圓覺經用鄱陽隱士周惟簡爲文館詩易侍講學士延入後苑講易否卦賜惟簡金紫羣臣皆知國亡在旦暮而張洎猶謂北師已老將遁後主甘其言益自安命戶部員外郎伍喬於圍城中放進士孫確等三十八人及第其施爲大抵類

此故雖仁愛足感遺民金陵新志曰金陵有李王廟在

而卒不能保社稷云江蘇南錄曰嗣主諸子皆孝後主特

欲羣臣和於朝不欲聞人過章疏有糾謫稍許者皆殺

不報上下感思故人無異志威令不素著故莫盡死力

政殿與相劇談至夜分乃罷其論國事每以富民為務

好生戒殺本其天性羣臣議論率不如旨一日歎曰周

公仲尼忽去人遠吾道湮塞其誰與明乃著為雜說數

千萬言曰特垂此空文庶幾百世之下有以知吾心耳

不勤請免不名居下之職不為世宗處此將必恢弘君度

記乞哀之誠不為不切使周世宗處此將必恢弘君度

憐其盡禮而諒其無罪雖未必竟全其國亦未必降滅

其祀嗚呼何李氏所丁之周也宋雖繼周然正統三代之

後惟漢唐與宋得全餘皆閔也宋雖繼周然正統三代之

在李唐之全而不在郭周之閔也宋雖繼周然正統三代之

之餘也紹其統而殄其世視殷周存祀宋青壤懸矣且唐

楚子入陳而不縣元魏氏滅梁而封殖江陵天下後世

與其存亡宋於此曾不顧念豈天下義舉獨夷狄不能知

哉借曰臥榻之側難容鼯鼠然當其哀鳴之頃豈不能知

損海濱一州裂數百里無用之地徙爲庸城建爲方國
使之事守少延官使羣備存神堯一脈備有宋三恪三
義則白馬來朝比年則玉帛登貢與宋無窮願亦何遠
勛其大而害其統也乃均視僭僞罔論其胄薤而滅之
甚哉世謂三代而下仁厚立國者宋觀此舉措去仁厚
遠矣厥後天水運窮胡馬飲制舉亭進師之際遣十臣
於勝庭求封小國虜卒不許屋山帝屍竟葬魚腹天
報之足稱其施嗚呼後之滅人國者視宋可鑑矣物
代小史曰神宗幸祕書省閱江南李主來謁然其文采風流
雅再三歎訝而徽宗生時夢李主來謁然其文采風流
過李主百倍及北狩女真亦用江南國主見藝祖故事
年五行志野史曰宋祖以乙亥命曹彬取江州後三百
受江南主降後帝熈兩子爲元所虜

南唐書注卷三